



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Praxis Cvræ Pastoralis Præcipve Circa Repentina &
Generaliora**

Possevino, Giovanni Battista Bernardino

Coloniæ Agrippinæ, 1645

Confessariorum Bonitas.

urn:nbn:de:hbz:466:1-42220

iectas resoluere, meminerint adire doctiores, & in talibus melius versatos. Sciant autem nos in hunc finem dedisse speciatim eas partes Pœnitentiario maiori Ecclesiæ nostræ Metropolitanæ, & cum Theologis, & Iuris Canonici peritis, si quæ dubia, & controversiæ circa res conscientiæ in hac nostra diœcesi obueniant, & de ijs conferat, & diligenter discutiat, ut postquam res grauiores nobis communicarit, omnem dubitacionem eximat ijs, qni ad ipsum consulendi causa accedent.

Examinent præterea vires ingenij, & scientiam, quam habent, nec se temere ad confessiones audiendas eorum ingerant, quos censurita quibusdam involutos esse suspicentur, ut se se inde satis explicare nesciant.

Bonam habeant notitiam censurarum, & Casuum reseruatorum, particulatim autem Bullæ in Cœna Domini legi solitæ; similiter Canones Pœnitentiarios, & nostras has admonitiones sa- piens legant.

Confessariorum Bonitas.

Cum dubium non sit, quin is qui peccato mortali infectus, Sacramentum quodvis administraet, nouo se scelere rursus obstringat; diligenter obseruent, qui Confessarij partes agunt, ne cum peccati mortalis conscientia confessiones audiant, multò verò minus id audiant, si qua censura teneantur Ecclesiastica ligati.

Qui verò fervidi animi Confessarius est, animatumque salutis studio tenetur, ut eas ad virtutes inducat, diuinisque remedijs adiuuet, quibus contra peccata vel pœnitens utatur, vel ab ijsdem

Hsdem abstrahatur, qui doceat itidem dæmonis astutias perspectas habere, qui demum pœnitentem exuere veterem hominem, & nouum induere labore, ac confingere in eo formam aliquam speciemque perfecti Christiani, non sat is id sibi habere debet, si nulli peccato mortali obnoxius Sacramentum Pœnitentiæ ministret, sed cum facile cognoscatur magnoperè referre ad præstandum ea, quæ dicta sunt, prius in seipso exprimere, quæ in altero videre desiderat (quādoquidem plus exempla, quam verba commouent animos, neque quis aliorum animis ingenerare virtutem potest, quam ante non in se possideat) idcirco perfectionis suæ totus amore serueat, necesse est, atq; in ijs virtutibus acquitendis operam diligenter ponat, quibus ipsa perfectio acquiritur.

Sed quoniam Regulares, cùm ad confessiones audiendas emittuntur, solum examinari solent sintne sufficientes, & doctrinam iustum habeant, neque uos aliter perspectos mores eorum, & bonitatem vitæ probatam tenere possumus, ideo Superiorum eorum conscientias oneramus, ut ad huiusmodi prouinciam non alios nobis in publicum deducant, quam qui probitate, atq; integritate vitæ tales sint, qui laudabiliter hoc Sacramentum exhibere queant, cuius quidem reiscripto nobis fidem dabunt, nec aliter eos admittemus.

Confessarij diligentia.

Prompto, ac parato animo ad confessiones audiendas accedant, euitentque diligenter, non solum ad subterfugiendum labore, ne submo-